

# La BCG sustegna l'uniun Movimento a Samedan

## En num da sias collavuraturas e ses collavuratur regala la BCG 10'000 francs

Cuira, ils 13 da november 2018 – Per l'indeschavla giada ha la Banca Chantunala Grischuna (BCG) realisà sia acziun d'advent a favur d'ina organisaziun d'utilitad publica. Las collavuraturas ed ils collavuratur da la BCG han decis da dar a l'uniun Movimento a Samedan 10'000 francs or dal fond da contribuziun.

Regula Ruch, presidenta da l'uniun Movimento, ha grond plaschair da la donaziun da la BCG: «En num da l'uniun Movimento e da tut las personas cun impediments engrazièl jau cordialmain a tut las collavuraturas ed a tut ils collavuratur da la BCG.» Dapi il 1987 sustegna Movimento en il Grischun umans cun impediments e lur confamigliars che tgiran els. L'uniun gida las personas pertutgadas a s'integrar en la professiun ed en la societad cun porscher cuminanzas d'abitar, plazzas da lavur e d'occupaziun, tgira, accompagnament sco er assistenza cumplaina u parziala. L'uniun consista dals quatter manaschis Ufficina Samedan, Incontro Poschiavo, Buttega Scuol e Buttega Jaura Müstair. «Per nus èn tut las donaziuns enorm impurtantas. Era sche nossas purschidas vegnan finanziadas dal maun public, restan averts blers pitschens e gronds giavischs. Grazia a las donaziuns pudain nus ademplir quels», di Regula Ruch.

Cun ses fond da contribuziun s'engascha la BCG per la regiun e surpiglia responsabladad sociala. Ella promova e sustegna cun var dus milliuns francs ad onn projects nuncommerzials en e per il Grischun, e quai en ils secturs cultura, utilitad publica, sport, economia/turissem e societad. L'onn 2018 ha ella sustegnì var 430 projects.

Ulteriuras infurmaziuns: [Movimento](#) e [fond da contribuziun BCG](#).

### Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11  
Nadja Maurer, [nadja.maurer@gkb.ch](mailto:nadja.maurer@gkb.ch), telefon +41 81 256 88 01

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per personas privatas, l'economia ed il maun public. La banca occupa 996 collavuraturas e collavuratur (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 53 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Quint annual 2018: 8 da favrer 2019  
Radunanza dals participants: 4 da matg 2019

---